

爾雅郭注佚存補訂

爾雅郭注佚存補訂卷九

新城王樹枏

壽星角亢也

數起角亢列宿之長故曰壽

天根氐也

角亢下繫於氐若木之有根也

希麟根本說一切有部毘奈耶藥事十三卷音義
引爾雅天根氐也郭注云角亢下繫於氐若木之
有根也今據補也字

天駟房也

龍爲天馬故房四星謂之天駟

大辰房心尾也

龍星明者以爲時候故曰大辰

大火謂之大辰

大火心也在中最明故時候主焉

析木之津

各本此下有卽漢津也四字之注郝氏邵氏謂後人所增樹柎案經言箕斗之間漢津也則注言漢津於文爲贅御覽八卷天部引作津漢津也蓋據

誤本

箕斗之閒漢津也

箕龍尾斗南斗天漢之津梁

星紀斗牽牛也

牽牛斗者日月五星之所終始故謂之星紀

玄枵虛也

虛在正北北方色黑枵之言耗耗亦虛意也

仿宋本明注疏本作色黑慧琳廣弘明集二十卷

音義亦引作色黑雪惚本單疏本誤作黑色 廣

弘明集音義引作耗亦虛意也今據補也字單疏

本耗作耗

顓頊之虛虛也

顓頊水德位在北方

北陸虛也

虛星之名凡四

營室謂之顓

顓正也

天下

作宮室皆以營室中爲正

也

今本經注皆作定釋文云顓本或作定不言經注

異同蓋所據郭本皆作顓也 史記天官書索隱

引爾雅云營室謂之定郭璞曰定正也天下作宮

室皆以營室中爲正也樹柎案詩定之方中正義

引孫炎曰定正也天下作宮室者皆以營室中爲
正郭注蓋本孫炎今據補天下也三字明注疏本
營室下衍之字

媿觜之口營室東辟也

營室東辟星四方似口因名云

釋文云辟本又作壁布覓反今案此星有人居之
角象宜爲壁據此則陸所據本作辟不作壁今則
皆改作壁而石經單疏本又誤作璧非郭氏之舊
矣慧琳寶星經四卷音義引爾雅媿觜之口營室
東壁也郭璞曰營室與東壁四星似口因以爲名

也樹柎案襄三十年左氏傳正義引孫炎曰媿觜之歎則口開方營室東壁四方似口故因名也郭蓋本孫炎

降婁奎婁也

奎爲溝瀆故名降

大梁昴也西陸昴也

昴西方之宿別名旄頭

慧琳十輪經十卷音義引爾雅郭注云昴西方宿名也

噉謂之畢

掩兔之畢或評爲噶因星形以名之

今本經注皆作濁樹柎案釋文前後皆云噶本亦作濁則此文當亦爲噶詩盧令正義引釋天云噶謂之畢郭璞曰掩兔之畢或呼爲噶因星形以名之今據補正

味謂之柳

味朱鳥之口

音晝

明注疏本口作名樹柎案史記天官書索隱引孫炎云味朱鳥之口郭蓋本孫注作名字誤也文選笙賦注引郭璞爾雅注曰味鳥口也音晝今本脫

音據補

柳鷄火也

鷄鳥名火屬南方

北極謂之北辰

北極天之中以正四時

何鼓謂之牽牛

今荆楚人評牽牛星爲檐鼓檐者荷也

檐字諸本皆從手旁單疏本從木旁釋文云檐丁

甘反字林負也據此則陸所據本從木文選思元

賦注亦引作檐者荷也荷字閩本監本作何非釋

文云注作荷字

明星謂之启明

大白星也晨見東方爲启明昏見西方爲大白

各本皆作太白樹柎案釋文凡太字俱作大

彗星爲欃槍

亦謂之孛星言其形孛孛然似掃彗也

希麟仁王護國般若波羅蜜多經下卷音義引爾

雅彗星爲欃槍郭璞注云亦謂之孛星言其形孛

孛似掃彗慧琳金光明經五卷音義引爾雅云彗

星謂之欃槍郭注謂之孛彗言其光芒孛孛然似

掃彗也今據補釋文云埽素報反雪窓本明注疏
本作掃俗字

奔星爲彗約

彗約流星 別名也

開元占經七十一卷引爾雅曰奔星爲彗約郭璞
曰彗約流星別星也今據補段氏玉裁云彗釋文
誤從彗宜依玉篇佩觿正之廣韻十八藥亦作彗
約流星

星名

春祭曰祠

祠之言食

也音餽飶

希麟根本說一切有部毘奈耶破僧事七卷音義引爾雅云春祭曰祠郭注云祠猶食也音飶毘奈耶藥事十四卷音義引郭璞注爾雅云祠之言食也音餽飶今據補也字及音佛母大孔雀明王經中卷音義大乘瑜伽千鉢文殊大教王經十卷音義大方廣佛華嚴經十二卷音義又引作祠之言飶也樹相案釋文作食

夏祭曰禘

新菜可灼也

御覽五百二十五卷禮儀部引作新菜可灼也今據補也字

秋祭曰嘗

嘗新穀也

御覽引作嘗新穀也今據補也字

冬祭曰蒸

蒸進也進品物也

初學記十三卷禮部引爾雅冬祭曰烝烝進也進品物樹柎案春祭曰祠夏祭曰禘秋祭曰嘗冬祭曰蒸四句郭注全與孫炎同孫注有蒸進也三字

郭亦當如之知者初學記引爾雅自春祭曰祠至
既伯既禱馬祭也皆用郭注故也

祭天曰燔柴

既祭積薪燒之也

初學記引爾雅祭天曰燎柴既祭積薪焚之也今
據補也字

祭地曰瘞蕤

既祭蕤藏之

各本經作蕤注作埋初學記引經注皆作埋樹柎
案釋文作蕤不言注有異同釋言瘞幽也彼注云

幽亦葬也字正作葬

祭山曰廋縣

或廋或縣置之於山山海經曰縣以吉玉是也

初學記藝文類聚御覽引經注俱作懸懸俗字

祭川曰浮沈

投祭水中或浮或沈也

初學記引作或浮或沈置之於水樹柎案或浮或沈置之於水正與上注偶文初學記祭祀條中所引爾雅惟此與冬祭曰蒸注文稍殊唐殘本玉篇水部沈下引爾雅郭璞曰投祭水中或浮或沈也

亦與今本同僖三十一年公羊疏引孫炎云置祭於水中或浮或沈郭蓋用孫注今據顧野王補也字

祭星曰布

布散祭於地也

初學記一卷天部引爾雅祭星曰布布散食於地上御覽五卷天部引同樹柎案釋文引郭云布散祭於地也陸所據與今本同御覽五百廿五卷禮儀部引亦作布散祭於地也今據補也字

祭風曰磔

今俗當大道中磔狗云以止風此其遺象也

初學記十二卷禮部引爾雅曰祭風曰磔今俗當大道磔狗此其遺像御覽引作今俗當大道中磔狗云止風此其象也今據補遺字也字希麟大乘理趣六波羅蜜多經三卷音義引郭璞注爾雅云今俗磔狗當大道中云止風也

是禡是禡師祭也

師出征伐類於上帝禡於所征之地

明注疏本於改于初學記引作類於上帝禡於出征之地

既伯既禱馬祭也

伯祭馬祖也將用馬力必先祭其先

祖也

初學記作必先祭其祖御覽引作必先祭其先祖也今據補祖也二字

禘大祭也

五年一大祭

也

御覽引作五年一祭也今據補也字

繹又祭也

祭之明日尋繹復祭

之也

唐殘本玉篇食部繹下引爾雅繹又祭也郭璞曰

祭之明日尋饌又祭之也樹柎案釋文云釋字書
爲饌字書當卽指玉篇今據補之也二字

周曰繹

春秋經曰壬午猶繹

唐殘本玉篇引作春秋壬午猶饌是也

商曰彤

音蝠

書曰高宗彤日

御覽引爾雅曰商曰彤音蝠書曰高宗彤日樹柎

案御覽引爾雅自春祭曰祠至夏曰復昨注皆與
郭同此注多音蝠二字蓋亦郭注而今本刪之據

補

夏曰復昨

未見義所出

祭名

春獵爲蒐

搜索取不任者

也

慧琳弘明集三卷音義引爾雅春獵爲蒐郭云蒐
索取不任者也樹柎案郭以蒐爲搜之假字故經
作蒐注作搜桓四年穀梁釋文云蒐麋氏本又作
搜祭義鄭注云春獵爲搜二字古蓋通用也陸所

二五十一
據郭本作搜慧琳則依經仍改爲蒐非郭注之舊
矣今據補也字

夏獵爲苗

爲苗稼除害也

御覽八百三十一卷資產部引爾雅云夏獵爲苗
爲苗稼除害也今據補也字

秋獵爲獮

順殺氣也

御覽引作鮮少者從殺氣也今注無上三字慧琳
廣弘明集四卷音義引爾雅秋獵爲獮郭注云順

煞氣也殺又作煞

冬獵爲狩

得獸取之無所擇

慧琳甄正論下卷音義引郭注爾雅云春獵曰蒐
冬獵曰狩二時之獵名也今本無此文

宵田爲獠

管子曰獠獵畢弋今江東亦評獵爲獠音遼或曰獠
猶獠也 卽今之夜獵載鑪照者也

釋文云畢音畢本又作畢今各本皆作畢單疏本
明注疏本無音遼二字釋文云獠郭音遼史記司

馬相如傳索隱引此注云又音遼也與宋本合詩
伐檀正義引釋天云宵田爲獠郭璞曰獠猶燎也
今之夜獵載鑪照者也江東亦呼獵爲獠管子曰
獠獵畢弋樹柀案詩疏所引與今本次第不同據
釋文先畢後載鑪則陸所據與今本同御覽所引
亦與今本同今據詩疏補其脫文六字釋文云鑪
字或作墟

火田爲狩

放火燒草獵亦爲狩

乃立冢土戎醜攸行

冢土大社戎醜大眾

起大事動大眾必先有事乎社而後出謂之宜

有事祭也周官所謂宜乎社

振旅闐闐

振旅整眾闐闐羣行聲也

文選籍田賦注引郭璞爾雅注曰闐闐羣行聲也

今據補也字

出爲治兵尙威武也

幼賤在薊賁勇力

入爲振旅反尊卑也

爾雅郭注九

釋天

十二

文莫室

二六十九
尊老在蒞復常儀也

講武

素錦綢杠

以白地錦韜旗之竿

纁帛繆

纁帛絳也繆眾旒所著

素陞龍于繆

畫白龍於繆令上向

練旒九

練絳練也

仿宋本脫也字

飾以組

用綦組飾旒之邊

釋文云綦音其本亦作纂祖管反郝氏懿行云組者說文綬屬詩素絲組之箋云以素絲縷縫組於旌旗以爲之飾蓋本此爲說也是組用素郭云綦組非據釋文綦本作纂說文纂似組而亦以此注上下推之知郭本綦必作纂矣

維以縷

用朱縷維連持之不欲令曳地周禮曰六人維王之

大常是也

緇廣充幅長尋曰旒

帛全幅長八尺者也

御覽三百四十卷兵部引郭璞注爾雅帛全幅長

八尺者也今據補者也二字

繼旒曰旒

帛續旒末爲燕尾者義見詩

御覽引作帛續旒末爲燕尾也

注旒首曰旒

載旒於竿頭如今之幢亦有旒也周禮云析羽爲旒

御覽引爾雅注旄首曰旌郭璞注曰戴旄於竿頭
如今之幢亦有旒也今據補也字元應佛本行集
經二十八卷音義引爾雅注旄首曰旌郭璞曰戴
旒於竿頭也周禮云析羽爲旌樹柎案下文因章
爲旒注引周禮云通帛爲旒則此所引周禮當亦
郭注原文而今本脫之據補菩薩見實三昧經一
卷音義引郭璞注云載旒於竿頭者旌旒表也謂
取其幟幟案旒表也八字當是元應之文

有鈴曰旒

縣鈴於竿頭畫交龍於旒上也周禮交龍爲旒是也

仿宋本明注疏本作蛟龍單疏本作交龍詩載見
正義宣十二年公羊正義御覽三百四十卷兵部
俱引作交龍據以訂正元應佛本行集經廿八卷
音義引爾雅有鈴曰旂郭璞曰懸鈴於竿頭畫蛟
龍於旒上也周禮蛟龍爲旂是也樹柎案此所引
周禮亦郭注原文而今本脫之據補

錯革鳥曰旗

此謂全剝鳥皮毛置之竿頭

也舊說刻革鳥置竿首

也孫叔然云革急也言畫急疾之鳥於旒也周官鳥
隼爲旗是也按禮記云載鴻及鳴鳶鄭元云載之以

示眾卽此類也書云鳥獸希革詩云如鳥斯革旌首
鳥者自是鳥之皮毛明矣

今本作此謂合剝鳥皮毛置之竿頭卽禮記云載
鴻及鳴鳶文選思元賦注引爾雅曰錯鳥隼爲旗
此謂合剝鳥皮毛置之竿頭卽禮記所謂載鴻及
鳴鳶也所引與今本同蓋同是刪節之本御覽三
百四十卷兵部引爾雅曰錯革鳥曰旗郭璞注曰
此謂全剝鳥皮毛置之竿頭也舊說刻革鳥置竿
首也孫叔然云革急也言畫急疾之鳥於旒也周
官鳥隼爲旟是也按禮記載鳴鳶鄭元云載之以

示眾卽此類也書云鳥獸希革詩云如鳥斯革旌首鳥者自是鳥之皮毛明矣樹柎案御覽所引全是郭注原文不知何時刪節知者郭謂革爲鳥之皮毛引禮記鄭注以駁孫叔然之說今本尙存禮記載鴻及鳴鳶一句可見也御覽載鳴鳶當亦如今注作載鴻及鳴鳶蓋傳鈔時偶脫鴻及二字郝氏謂郭注合字未安汪氏中校定本據隋書禮儀五作全字今案御覽正引作全據正慧琳續高僧傳十四卷音義引郭注爾雅云剝鳥皮毛置之竿頭言其勇也與今本異

因章曰旃

以帛練爲旒因其文章不復畫之也周禮云通帛爲

旃

廣韻一先引爾雅曰因章爲旃郭璞云以帛練爲旒因其文章不復畫之也今據補也字御覽引爾雅因章曰旃郭璞曰以白絹爲之不畫也與今本不同

旌旒

爾雅郭注佚存補訂卷九終

爾雅郭注佚存補訂卷十

新城王樹柎

釋地第九

兩河閒曰冀州

自東河至西河

河南曰豫州

自南河至漢也

莊十年公羊傳疏引爾雅河南曰豫州孫氏郭氏
云自東河至西河之南曰豫州樹柎案今本郭注
與孫炎異釋文引郭云自南河至漢也御覽一百

爾雅郭注十 釋地

文 莫 室

二五〇の
五十七卷州郡部引同今據補也字

河西曰離州

自西河至黑水

御覽引作自河西至黑水河西二字誤倒釋文正
作自西河至黑水

漢南曰荊州

自漢南至衡山之陽

江南曰揚州

自江南至海也

莊十年公羊傳疏引爾雅江南曰揚州孫氏郭氏

云自江至南海也御覽引同當是傳寫之誤釋文

正引作自江南至海今據補也字

濟河間曰兗州

自河東至濟也

御覽引作自河東至濟也今據補也字

濟東曰徐州

自濟東至海也

御覽引作自濟東至海也今據補也字

燕曰幽州

自易水至北狄

齊曰營州

自岱東至海此蓋殷制

九州

魯有大野

今高平鉅野縣東北大澤是也

晉有大陸

今鉅鹿北廣河澤是也

定元年左氏傳正義引釋地十藪云晉有大陸郭

璞曰今鉅鹿北廣河澤孫炎曰廣河猶大陸而書

禹貢正義又引晉有大陸孫炎等皆云今鉅鹿縣

北廣河澤也郭璞云廣河猶大陸蓋書疏所引入名誤倒邵氏晉涵以廣河猶大陸爲郭氏音義之文蓋未攷左傳疏

秦有楊陴

今在扶風汧縣西也

御覽七十二卷地部引爾雅曰秦有楊紆音謳今在扶風汧縣西也今本脫也字據補音謳二字當亦郭注

宋有孟諸

今在梁國濉陽縣東北也

釋文云濰蘇維反舊校云本今作睢樹柎案各本皆作睢文選謝元暉和王著作八公山詩注引爾雅宋有孟諸郭璞曰今在梁國濰陽縣東北引正作濰與陸本同御覽引作今在梁國睢陽縣東北也據補也字

楚有雲夢

今南郡華容縣東南巴邱湖是也

吳越之閒有具區

今吳縣南大湖也中有包山山下有洞庭穴道潛行水底去無所不通號爲地脉卽震澤是也

後漢書郡國志注引爾雅吳越之間有具區郭璞曰縣南太湖也中有包山山下有洞庭穴道潛行水底去無所不通號爲地脉樹枏案劉昭所引蓋郭注原文而今本脫之據補釋文云太湖音泰舊校云本今作太

齊有海隅

海濱廣斥

燕有昭余祁

今大原鄔縣北九澤是也

今本作鄔陵縣郝氏懿行云職方并州其澤藪曰

昭余祁鄭注昭余祁在鄔漢志太原郡鄔九澤在
北是爲昭余祁并州藪郭注本此鄔陵陵字衍也
邵氏晉涵亦云晉書地理志太原郡鄔縣注衍陵
字今據刪

鄭有圃田

今熒陽中牟縣西圃田澤是也

釋文云熒乎銘反單疏本同仿宋本雪膠本監本
作榮阮氏云凡古書熒陽字從火有從水者淺人
所改闕本毛本作榮更誤御覽引作今熒陽中牟
縣西阜田澤

周有焦穫

音護 今扶風池陽縣瓠中是也

御覽引爾雅曰周有焦穫音乎今扶風池陽縣瓠中是也樹柎案文選北征賦注引爾雅周有焦穫郭璞曰音護今據補訂

十藪

東陵隄南陵息慎西陵威夷中陵朱棘北陵西隄雁門是也

西隄 卽雁門山也

史記趙世家正義引爾雅郭注云西隄卽雁門山

爾雅郭注十 釋地

五 文 莫室

也御覽一百六十三卷州郡部引爾雅郭璞注曰
西踰雁門山也今據補西踰二字

陵莫大於加陵

今所在未聞

梁莫大於溟梁

溟水名梁隄也

初學記七卷地部兩引爾雅梁莫大於溟梁郭注
云梁卽橋也御覽七十三卷地部引爾雅曰梁莫
大於溟梁郭璞注梁卽橋也或曰梁石橋也樹柙
案釋宮隄謂之梁注云卽橋也或曰石絕水者爲

梁蓋初學記御覽以彼注之文移於此

墳莫大於河墳

墳大防

八陵

東方之美者有醫無閭之珣玕琪焉

醫無閭山名今在遼東珣玕琪玉屬也

慧琳弘明集三卷音義引爾雅東方之美者有璵
無閭之珣玕琪焉郭云玉屬也今據補也字

東南之美者有會稽之竹箛焉

會稽山名今在山陰縣南竹箛篠也以篠而小可以

爲矢因名矢爲箭

慧琳大寶積經四十五卷音義引爾雅箭竹名也
郭璞曰以篠而小可以爲矢因名矢爲箭樹柎案
爾雅無箭竹名也之文當是此經郭注經後人刪
去者謹補於此釋草有篠箭之文

南方之美者有梁山之犀象焉

犀牛皮角象牙骨

象大獸也長鼻大耳三歲一乳

希麟大乘本生心地觀經三卷音義引爾雅南方
之美者有梁山之犀象焉郭注云象大獸也長鼻
大耳三歲一乳樹柎案今注無此文據補

西南之美者有華山之金石焉

黃金礪石之屬

邵氏正義改礪爲礪郝氏亦云礪當作礪說文礪
石次玉者樹相案釋文云礪本或作礪同如充反
西方之美者有霍山之多珠玉焉

霍山今在平陽永安縣東北珠如今雜珠而精好
西北之美者有崑崙虛之瑇瑁玕焉

瑇瑁美玉名瑇玕狀似珠也山海經曰崑崙山有琅
玕樹

明注疏本作琅玕狀如珠也

北方之美者有幽都之筋角焉

幽都山名謂多野牛筋角

毛本角誤骨

東北之美者有斥山之文皮焉

虎豹之屬皮有縹緋者

中有岱岳與其五穀魚鹽生焉

言泰山有魚鹽之饒

九府

東方有比目魚焉不比不行其名謂之鱧

狀似牛脾身薄鱗細紫黑色一眼兩片相合乃得行

今水中所在有之江東又評爲王餘亦曰版魚

史記封禪書索隱引郭璞云如牛脾身薄單行本無身薄

二細鱗紫黑色

單行本此下有只字

一眼兩片合乃得行今

江東呼爲王餘

單行本此下有今字

亦曰版魚樹柸案今本

脫身薄及亦曰版五字據補御覽九百三十六卷

鱗介部引作狀如牛脾與索隱同

南方有比翼鳥焉不比不飛其名謂之鵝鵝

似鳧青赤色一目一翼相得乃飛

西方有比肩獸焉與邛邛駝駝比爲邛邛駝駝齧甘草
卽有難邛邛駝駝負而走其名謂之厖

呂氏春秋曰北方有獸其名爲歷鼠荊而兔後趨則
頓走則顛然則叩叩駮驢亦宜鼠後而兔荊荊高不
得取甘草故須歷食之今雁門廣武縣夏屋山中有
獸形如兔而大相負共行土俗名之爲歷鼠音厥

慧琳引明集九卷音義引作呂氏春秋云 呂氏

春秋慎大覽不廣篇歷作蹶鼠前而兔後引明集
音義引作前足似兔 慎大覽不廣篇頓作踰淮

南道應篇作趨則頓與郭注同釋文云趨或作趨
非 釋文云駮本或作峒又作拒驢本或作虛又
作獮不言經注異同則注蓋亦作駮驢也今本皆

作岨虛 仿宋本雪隱本有音厥二字明注疏本
刪文選阮嗣宗詠懷詩注引郭璞曰歷音厥釋文
亦云歷郭音厥

北方有比肩民焉迭食而迭望

此卽半體之人人各有一目一鼻孔一臂一腳亦猶
魚鳥之相合爾更望備驚急

仿宋本脫一目二字諸本皆作一鼻一孔文選王
元長曲水詩序注引爾雅郭璞曰此卽半體之人
人各有一目一鼻孔一臂一腳亦猶魚鼠之相合
爾今據刪一字補人字爾字御覽三百六十九卷

人事部引猶作由

中有枳首蛇焉

歧頭蛇也或曰今江東評兩頭蛇爲越王約髮亦名

弩弦

仿宋本弦作絃俗字

此四方中國之異氣也

五方

邑外謂之郊郊外謂之牧牧外謂之野野外謂之林林

外謂之坳

邑國都也假令百里之國五者之界界各十里也

今本作五十里之界詩駟正義引孫炎曰邑國都也設百里之國五者之界界各十里孫意蓋以郊牧野林坳五者之界各十里而異名也郭本孫炎五者二字誤衍作五十里三字今據改正

下溼曰隈大野曰平廣平曰原高平曰陸大陸曰阜大阜曰陵大陵曰阿可食者曰原

可食謂種穀給食也

御覽五十七卷地部引爾雅可食者曰原郭璞曰可食謂種穀給食也希麟新大方廣佛華嚴經十
二卷音義引爾雅郭注云可種穀給食也今本可

下脫食謂二字句末脫也字據補

陂者曰阪

陂陀不平也

御覽五十三卷地部引爾雅陂者曰阪郭璞注曰
陂陀不平也今據補也字樹柎案希麟新大方廣
佛華嚴經十五卷音義根本說一切有部毘奈耶
藥事四卷音義俱引爾雅陂者曰阪郭注云地不
平也與今本不同或原注陂陀下落地字

下者曰際

公羊傳曰下平曰隰

田一歲曰菑

今江東評初耕地反草爲菑

二歲曰新田

詩曰于彼新田

三歲曰畬

易曰不菑畬

野

東至於泰遠西至於邠國南至於濮鉛北至於祝栗謂之四極

皆四方極遠之國

慧琳大般若波羅蜜多經七十六卷音義引郭璞

注爾雅云極遠也

觚竹北戶西王母日下謂之四荒

觚竹在北北戶在南西王母在西日下在東皆四方

昏荒之國次四極者

御覽三十六卷地部引爾雅謂之四荒郭璞注云皆四方昏荒之地樹柎案釋文云西王母是西方昏荒國名陸蓋據郭注作國不作地

九夷八狄七戎六蠻謂之四海

九夷在東八狄在北七戎在西六蠻在南次四荒者

距齊州以南戴日爲丹穴

距去也齊中也戴值也

御覽三十六卷地部引爾雅距齊州以南郭璞注云距去也藝文類聚二十一卷人部引經亦作距樹柎案釋言注引此經釋文云距又作距距距二字蓋誤倒此經釋文祇云距音巨不言有異同蓋郭本作距不作距也諸本戴值二字在北戴斗極爲空桐句下今從孔繼汾刻本

北戴斗極爲空桐東至日所出爲大平西至日所入爲大濛

卽濛汜也

今本經注皆作蒙釋文云濛音蒙舊校云本今作蒙
樹柎案唐殘本玉篇水部濛下引爾雅至于太濛郭璞曰卽濛汜也野王案濛汜日所入也據此則顧所據本與釋文同
慧琳大唐三藏元奘法師本傳十卷音義亦引爾雅西至日所入爲太濛
郭注云卽濛汜也

大平之人仁丹穴之人智大濛之人信空桐之人武地氣使之然也

四極

釋丘第十

丘一成爲敦丘

成猶重也周禮曰爲壇三成今江東評地高堆者爲

敦音頓

御覽五十三卷地部引爾雅曰丘一成爲敦丘今

江東呼地高堆者爲敦舊音頓樹柎案今本脫音

頓二字詩氓正義引郭璞曰敦孟也音頓疏蓋以

音頓二字統音經丘一成爲敦丘及如覆敦者敦

丘二句其實此二字乃此經之音非覆敦之注也

知者釋文音此經敦云郭音頓釋覆敦云丁回反

蓋下敦丘之敦不音頓也御覽所引正與陸合據

補

再成爲陶丘

今濟陰定陶城中有陶丘

再成銳上爲融丘

鐵頂者

明注疏本鐵改鐵

三成爲崐丘

崐崙山三重

形如累三孟故以名云

水經注河水篇引爾雅山三成爲崐丘慧琳辯正

論六卷音義引爾雅云丘三成爲崑也郭注云三成三重也所引經俱無喻字今本有者蓋後人因注誤增 御覽引爾雅云三成爲崑崙丘崑崙山三重形如累三孟樹柎案御覽引釋丘一篇注皆與郭同則此形如累三孟五字當亦郭注原文而今本脫之據補

如棗者棗丘

形如車棗也或云棗謂稻田塍埒

釋文云如乘本又作棗而釋獸釋文又云棗本或作乘此皆傳寫之誤謹據彼文訂正之御覽引作

形似車乘邢疏亦作似釋文引郭云形如車乘

明注疏本作乘者謂稻田塍埒

如隋者隋丘

水中小洲爲隋

水潦所止泥丘

頂上汚下者

釋文汚本或作洿御覽正引作洿明注疏本作汙

方丘胡丘

形四方

絕高爲之京

人力所作

非人爲之

地自然生

水潦所還埒

還音環 謂埒邊有界埒水繞環之

御覽引作還音環 謂埒邊有界埒水繞還之 今本

脫音據補慧琳阿毗達磨大毗婆沙論六十六卷

音義引郭注爾雅有界埒似耕壠因以爲名也與

今本不同 案方言十三卷或謂之壠注云有界埒

似耕壠以名之則慧琳所引當是方言注而誤以

爲爾雅也

上正章丘

頂平

澤中有丘都丘

在池澤中

御覽引作在水澤內

當涂梧丘

涂道

各本皆作途釋文云涂字又作途不言經注異同

御覽引經注皆作塗

涂出其右而還之畫丘

言爲道所規畫也

慧琳集異門足論三卷音義引郭注爾雅云畫規畫也今據補也字

涂出其薊戴丘

道出丘南

涂出其後昌丘

道出丘北

水出其薊消丘水出其後沮丘水出其右正丘水出其左營丘

二の十八

今齊之營丘淄水過其南及東

水經注二十六卷淄水篇引爾雅曰水出其前左
為營丘郭景純言齊之營丘淄水逕其南及東也

史記周本紀集解御覽引俱同今本

如覆敦者敦丘

敦孟也 都回反

雪臆本也誤丘單疏本脫也字 詩氓正義引爾

雅郭注曰敦孟也音頓此音乃丘一成為敦丘之

注釋文云敦者丁回反文選班孟堅答賓戲注引

郭璞爾雅注曰敦孟也都回切與釋文合據補

邇迤沙丘

旁行連延

左高咸丘右高臨丘崩高旄丘

詩云旄丘之葛兮

云當作曰下注同

後高陵丘偏高阿丘

詩云陟彼阿丘

宛中宛丘

宛謂中央隆高

丘背有丘爲負丘

二の十三
此解宛丘中央隆峻狀如負一丘於背上

詩宛丘正義引釋丘宛中宛丘郭璞曰宛丘謂中
央隆峻狀如一丘矣所引有脫奪

左澤定丘右陵秦丘

宋有大丘社亡以社名此地也見史記

單疏本作大丘各本皆作太明注疏本作秦依經
改之也亡字單疏本作曰仿宋本作云非也史記
六國表宋大丘社亡在秦惠文王二年封禪書亦
云索隱引爾雅右陵太丘郭璞曰宋有大丘社以
社名此地也今本刪末句據補御覽引作宋有秦

丘見史記

如畝畝丘

丘有隴界如田畝

釋文云隴本又作壘仿宋本作壘御覽引同雪膠
本明注疏本作隴文選高唐賦注亦引作隴

如陵陵丘

陵大阜也

丘上有丘爲宛丘

嫌人不了故重曉之

釋文云了或作瞭

陳有宛丘

今在陳郡陳縣

晉有潛丘

今在大原晉陽縣

淮南有州黎丘

今在壽春縣

天下有名丘五其三在河南其二在河北

說者多以州黎宛營爲河南者潛敦爲河北者按此

方稱天下之名丘恐此諸丘碌碌未足用當之殆自

別更有魁梧傑大者五但未詳其名號今者所在耳

御覽引河南下有者字今本脫據補 御覽引用
作以 御覽引無更字釋文云更古孟反陸所據
本益有釋文傑渠列反舊校云本今作桀各本皆
作桀惟仿宋本作傑與釋文同 御覽引無今者
二字明注疏本脫者字

上

望厓洒而高岸

厓水邊洒謂深也視厓峻而水深者曰岸也

慧琳集異門足論六卷音義引郭注爾雅云視涯
峻而水深者爲岸也希麟續開元釋教錄中卷音

義引郭注爾雅云水邊曰涯峻而水深者曰岸也
引與今本微有異同今據補也字

夷上洒下不滑

厓上平坦而下水深者爲滑不發聲也

單疏本作不發聲也各本脫也字詩葛藟正義引
釋上夷上洒下不滑郭璞曰不發聲也彼釋文引
亦同慧琳續高僧傳十一卷音義亦引作不發聲
也

隩隈

今江東評爲浦隩淮南子曰漁者不爭隈

文選謝宣遠王撫軍庾西陽集別詩注引爾雅隩
隈也郭璞曰今江東人呼浦爲隈樹柀案此引偶
誤釋文云隩郭於六反注及下同據此則注有隩
字也文選江賦謝靈運從斤竹澗越嶺溪行詩注
竝引與今本同

厓內爲隩外爲鞠

別厓表裏之名

畢堂牆

今終南山道名畢其邊若堂之牆

明注疏本堂下衍室字詩終南正義正引作其邊

若堂之牆

重厓岸

兩厓累者爲岸也

慧琳大乘大集地藏十輪經一卷音義引爾雅重崖岸郭注云兩崖累者爲岸也今據補也字

岸上澣

岸上地也

文選洛神賦注引爾雅岸上曰澣郭璞曰厓上地也今據補也字

墳大防

謂隄

涖爲厓

謂水邊也

慧琳廣弘明集二十九卷音義引爾雅涖爲厓郭注云謂水邊也三劫三千佛名上卷音義引郭注爾雅云厓謂水邊也今據補也字

窮瀆汜

水無所通者

文選閒居賦注引爾雅窮瀆曰汜郭璞曰水無所通也

谷者激

水通於谷者也

唐殘本王篇水部激下引爾雅谷者激郭璞曰水通於谷者也樹杓案上注水無所通者此注應如玉篇所引作水通於谷者今據補水經注澠水篇引爾雅云通谷者微郭景純曰微水邊通谷也廣韻五支激下引爾雅谷者激郭璞云通於谷也

厓岸

爾雅郭注佚存補訂卷十終